

gern und mit der stat fridesam sin und ane geczog bliben. Und dez hat der hochgeborne furste unser gnediger herre her Balthasar marcgrave czu Myszen uns und unser nachkomelinge und unser pharre czu Czwickowe begnat und hat uns dy obgeschriben drý vřrdunge geldes gevryget und geeeygent recht und redelich mit sime offen brife, den her uns darubir gegeben hat, alz eygenschaft recht ist. Und dises kouffes und vorbeschribener rede sint geczugen dy erwirdigen herren her^{a)} probst czu der Lusenicz, her Jacob pharrer czu Roneberg, her Friderich von Kuschewicz unser selbis pharrer czu Czwickowe und dy strengen ritter her Hans von dem Nuwenmarcke, her Heincze von Remse und Lupolt und Heincze von Hermansgrune gebrudere und dy wisen lute Nikel Junge, czu der czit purgermeister czu Aldenburg, Cuncz Grispach und andir ire cumpan, dy daz jar an dem rate sazen, und Apecz Lasan, Heincze Lebinberg, Peter Winkeler unde Hennel Mũnch, purgere czu Czwickowe, und vil andir getruwer cristenlute. Daz wir alle dise vorgeschriben rede unde glubde veste, stete und gancz halde wollen und alle unser nachkomelinge halde sullen, dez gebe wir in disen offen brief czu urkunde und czu geczugnis, der gesterket und gemechtiget ist mit unsern obgenanten Henrich von Hermansgrune, pherres czu Wyda unde probistes czu Isenberg, unde ouch mit der ganczen sammunge der heiligen juncvrowen dez obgenanten closters czu Isenberg anhanginden insigeln. Der gegeben ist nach gotes geburt dryczenhundert jar und darnach in dem nuen und sechzigisten jare, an dem nesten sunnabunde vor unser lieben vrowen tage der lecerin.

a) folgt Lücke von 1,5 cm (A)

156. *Aufzeichnung im Liber proscriptorum über die Unterhaltung der Abwasserrinnen am städtischen Marstall.*

1369 September 26

Handschrift (14. Jh.): Stadtarchiv Zwickau, IIIx¹ 135 (Liber proscriptorum), fol. 1v (14. Jh.) (A).

Accidit anno domini M^oCCC^oLXIX^o. Wisset da di purgere daz hũs buweten, da der purger knecht inne ist und da ire pherft innesten, si wir mit Fritschen Wayner ubir eyn komen, daz dy stat und Fritsche Wayner, odir wer den hof inne hat, dy vordere rinne sullen mit eyn andir halde. So sullen dy purgere unde dy stat dy hindere rinne alleyne halde ^(a)ane sin schaden^{a)}, und Fritsche sal mit der rinnen nicht czu schaffen habe. Actum feria quarta ante Michaelis ut supra.^{b)}

(a–a) mit dunklerer Tinte von gleicher Hand am linken Rande (A) b) am linken Rand von neuzeitlicher Hand marstaller receß (A)

157. *Propst, Priorin und Konvent des Nonnenklosters Eisenberg bestätigen mit Zustimmung des Bischofs Gerhard von Naumburg eine Seelgerüstiftung zu Gunsten des Marienaltars in der Katharinenkirche zu Zwickau durch den Zwickauer Pfarrer Friedrich von Kauschwitz.*

1372 März 17